



東京諸公新霽燕居以談事
蹟者也未知書成於何時而已
西平司閔侯周曼所刊板本
歲久踈缺近年在興府而忽從
古蹟者只皆謄覽舊本而已不
思廣布之道此不但一府之欠
事如史參本萬一方遺佚之憂

羅代千餘年事實於湮滅而
不傳後世考證之慮豈不大可
惜哉余自到任以來有歎於此
為改刊而時欲求皇矣今者所期
已迫公務稍暇始聚板子仍舊
重錄以壽其傳略叙顛末于
卷尾之甫景辛卯仲夏以解

素村金先生月城人也仕於麗
季貞忠大節昭在史乘而其秋
嶺就義尤卓絕焉不佞適守是
邦按圖徑求遺蹟見所謂東京
誌中所載先生名諱事實并
誤相反不覺愕然何幸公議不
泯遠近章甫合謀釐改嶺人士

之崇慕節義類多如此舊謬既
正新本益重嗚呼是舉也於先
生何有而乃士林之幸不佞之
托名是役亦不無與榮本鄉先
軍事實未著白者並付公議略
加添刊云甫歲在乙巳季春下
泮府尹昌寧成原默謹識

有尹宜寧南至熏識

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

東京雜記目錄

卷之一

辰韓紀 新羅紀 慶州地界 建置沿革

華 官號沿革 屬縣 鎮管 屬在

人吏 邑名 姓氏 風俗 山

川 勝地 土產 城郭 關防 烽燧

宮室 倉庫 學校 驛院 橋梁

祠廟 陵墓 祈雨所

卷之二

佛宇 古蹟 藝戶口 軍額 田三

堤堰 各坊 各同 名宦 人物

卷之三

寓居 科目 蔭仕 孝行 友愛 忠

義 貞烈 伎藝 書籍 題詠 雜著

補遺 異聞

目錄終

東京雜記卷之一

辰韓記

慶尚道本辰韓之地後為新羅所有

地番覽

辰韓在馬韓之東自言秦之亡人

避後入韓韓割東界以與之立城稱其言

語有類秦人或謂之秦韓常用馬韓人作

主所統凡十有二國地宜五穀俗饒金桑

善作繒布乘駕牛馬嫁娶以禮行者讓路

出京國通鑑

新羅記

新羅始祖元年夏四月丙辰始祖公赫居
世立先是朝鮮遺民分居東海濱山谷間
為六村曰閼川楊山曰突山高差曰嘗山
麻支曰茂山大樹曰金山加利曰明活山
高耶是為辰韓六部六部長共立赫居世
為君

出東國通鑑詳見古蹟

始祖姓朴名赫居世漢宣帝五鳳元年
子即位號居西干居西干辰人稱王之語
或云呼貴人之稱國號徐羅伐羅一作那
一作耶又云徐伐俗訓京字云徐伐以此

又云斯羅又云斯盧在位六十一年

南解次次雄或云慈克金大問云次次雄
方言謂巫也世人以巫事鬼神故畏敬之
遂稱尊者為慈克赫居世太子身長大壯
沉厚多智略元年甲子漢平帝元始四年
儒理兄即今名儒理南解太子南解將亮
謂儒理及昔脫解曰吾死後爾亦昔二年
以年長嗣位焉及覺儒理以脫解素有德
望非讓其位脫解曰神器大寶非庸人所
堪吾聞聖智人多尚武以解登之儒理齒

理多乃立之號元師今又云元師今元師
今之語自此始元年甲申漢更始二年五
年戊子鄴國之民聞王行仁政來歸者衆
是年民俗歡樂始創堯率歌此歌樂之盛
也

脫解元師今姓晉名脫解儒理將薨曰先
王顧命曰吾死後毋論子壻以年長且賢
者繼位是以寡人先立今也宜其傳位焉
脫解從遣命嗣位元年己巳漢明帝中元

三年

婆娑尼師令姓朴名婆娑儒理第二子元
年庚辰章帝建初五年

祇摩尼師令名祇摩婆娑太子元年壬子
安帝永初六年

逸聖尼師令名逸聖儒理長子祇摩無子
故立元年甲戌順帝陽嘉三年

阿達羅尼師令名阿達羅逸聖長子元年
甲午桓帝永興二年三年丙申開難立嶺
路即今鳥嶺五年戊戌開竹嶺路

伐休尼師令姓昔名伐休一作發揮脫解

子角下仇邵子阿達羅寔無子國人立之
三占風雲預知水旱及年之豐儉又知人
邪正人謂之聖元年甲子靈帝中平元年
奈解尼師令名奈解伐休第二子伊買子
密儀雄偉有俊才元年丙子獻帝建安元
年

助賁尼師令名助賁伐休長子骨正之子
元年庚戌蜀漢後主建興八年

沾解尼師令名沾解助賁母弟元年丁卯
後主延熙十年

味鄒尼師令姓金名味鄒開智七代孫助
賁以其女妻之至是薨無嗣國人立之此
金氏有國之始也元年壬午後主景耀四
年

儒禮尼師令姓昔名儒禮助賁長子元年
甲辰晉武帝太康五年

基臨尼師令名基臨助賁孫元年戊午惠
帝元康八年十年丁卯國號新羅

訖解尼師令名訖解奈解子角于子老子
也基臨薨無子群臣議曰訖解幼有老成

之德乃立之元年庚午懷帝永嘉四年
奈勿尼師令一云奈密姓金名奈勿仇道
葛文王之孫訖解薨無子立之元年丙辰
穆帝永和十二年

實聖尼師令名實聖開智裔孫奈勿薨子
幼國人立之元年壬寅安帝元興元年

訖祗麻立千金大問云麻立方言謂擲也
擲謂誠操準位而置則王擲為主臣擲列
於下因以名之名訖祗實聖而自立元
年丁巳安帝義熙十三年二十二年戊寅

教民牛車之法

慈悲麻立干名慈悲訥祇長子元年戊戌

宋武帝大明二年

炤智麻立干名炤智慈悲長子幼有孝行
謙恭自守元年己未順帝昇明三年十二
年庚午初開市肆以通四方之貨

智證麻立干名智大略奈勿王曾孫王體
為大膽方過人前王薨無子故繼位元年
庚辰齊廢帝永元二年三年壬午禁殉葬
前此王薨殉以男女各五人至是禁焉分

令州郡主勸農始用牛耕四年癸未群臣
上言始祖創業以來國號未定或稱新羅
或稱斯盧或稱新羅新者德業日新羅者
網羅四方之義則其為國號宜矣又觀自
古有國家者皆稱帝稱王自我立國至今
二十二世但稱方言未定尊號今群臣之
議謹上號新羅國王王從之五年甲申制
喪服法十五年甲午王薨謚曰智證謚法
始此

法興王一名原宗智證長子身長七尺寬厚

愛人元年甲午梁高祖天監十三年七年
庚子頒示律令始制石官公廩二十三年
丙辰始稱年號建元元年二十五年戊午
許外官掣象之任

真興王名多音夫麥宗法興弟立宗之子
元年庚申梁高祖大同六年

真智王名金輪真興次子元年丙申陳宣
帝大建八年

真平王名日寧真興太子鉅輪之子元年
己亥宣帝大建十一年

三德王名德曼真平長女寬仁明敏前三
毫無子國人立之元年壬辰唐太宗貞觀
六年九年庚子遣子弟於唐請入國學
真德王名勝曼真平母弟國飯之女姿質
豐麗長七尺五寸過膝元年丁未貞觀二
十一年二年戊申差冬使節快許朝唐今
宗勃問新羅臣事大朝何以別稱年號朕
許言天朝未頒正朔故先祖法興王以來
私有紀年若大朝有命小國又何敢焉今
宗然之三年己酉始依華制為冠服四年

庚戌遣使大唐告破百濟之衆王自製衣

平頌織錦為文以獻唐其詞曰大唐開鴻

業巍巍皇猷昌止戈衣定修文契百王

通鑑契作繼統天崇兩施理物體含章深

仁詰日月撫運邁虞唐通鑑日月作日月

虞唐作時康續英何赫赫鉦鼓何鏗鏘外

夷違命者顛覆被天殛淳風興幽顯遐邇

競呈祥四時和玉燭七曜巡萬方維發降

宗輔維帝任忠良五三成一德昭我唐家

皇高宗嘉焉是歲始行中國年號

太宗武烈王姓金名春諱真智王子伊袞
龍春之子儀表英偉幼有濟世志元年
寅高宗永徽五年七年庚申與唐將蘇定
方等共伐百濟百濟亡

文武三名法敏太宗太子姿表英特
多智略武烈與蘇定方平百濟法敏從之
有大功至是即位元年辛酉高宗龍朔元
年四年甲子令婦人亦服中朝衣纁八年
戊辰與唐兵共伐高句麗高句麗亡十四
年甲戌大奈麻德福入唐宿衛傳學曆術

而還請改用新曆法十五年乙亥鑄百司
州郡印頒之

神文王名政明文武王長子元年辛巳高
宗開耀元年六年丙戌遣使入唐請禮典
并詞章則天令所司寫吉函要禮并采文
詞涉於規誡者勒成五十卷賜之

孝昭王名理洪神文太子元年壬辰武后
嗣聖九年

聖德王名興光孝昭弟也孝昭薨無子國
人立之元年壬寅嗣聖十九年十七年三

子始造漏刻

孝成王名承慶聖德第二子元年丁丑玄
宗開元二十五年六年壬午王薨以遺命
燒柩於法流寺南散骨東海

景德王名憲英孝成之弟孝成無子立為
太子至是嗣位元年壬午天寶元年

憲恭王名乾運景德嫡子元年乙巳代宗

永泰元年十六年庚申伊養金志貞聚衆
圍王宮上大等金良相與伊養敬信舉兵
誅志貞等王與后妃為亂兵所害良相自

立為王謚王曰惠恭

宣德王名良相奈勿十世孫元年庚申德
宗建中元年六年乙丑王薨遺命依佛制
燒火散骨東海無子國人立上六等敬信
元聖王名敬信奈勿十二世孫元年乙丑
德宗貞元元年四年戊辰始定讀書出身
法十四年戊寅王薨以遺命燒柩於奉德
寺南

昭聖王名浚邑元聖之孫元年己卯德宗
貞元十五年

哀莊王名清明更名重熙昭聖太子元年
庚辰德宗貞元十六年三年壬午創加耶
山海印寺

憲德王名彥昇昭聖同母弟弒王自立元
年己丑憲宗元和四年

興德王名秀宗改名景徽憲宗母弟元年
丙午敬宗寶曆二年

唐康王名惲隆元聖王孫伊飡憲貞之子

元年丙辰文宗開成元年三年戊午金明

糾弘等作亂王自縊金明自立

閔哀王名明元聖曾孫元年戊午文宗開
成三年金陽奉祐徽入擊王開兵至奔入
月遊宅因被害群臣以禮葬之祐徽立
神武王名祐徽元聖孫上大等均貞子元
年己未文宗開成四年

文聖王名慶膺神武子元年己未文宗開
成四年十一年丁丑九月王不豫遺詔傳
位於叔父誼靖

憲安王名誼靖神武王異母弟元年丁丑
宣宗大中之十一年五年辛巳王寢疾謂左

在曰甥膺庶幼有老成之德宜立之

景文王一名膺庶僖康王子阿養啓明之子

憲安王之婿元年辛巳懿宗咸通二年

憲康王一名景景文王子王性聰敏喜書畫

一覽皆誦元年乙未僖宗乾符二年三年

丁酉高麗太祖王建生於松岳郡

憲康王一名是憲康之弟元年丙午僖宗光

啓二年

真聖王名曼安康妹也元年丁未僖宗光

啓三年王素與角干魏弘通至是帶入內

用事及弘死潜引年少幾丈夫嚙之有人
議謗時政撓求朝路或告曰殆是大耶州
隱者巨仁所為王命拘巨仁獄將刑之巨
仁書於獄壁曰子公慟哭三年早歸村舍
悲五月霜今我歸愁還似古皇天無語但
蒼蒼其夕忽震雷雨雹主懼而釋之五年
辛亥北原賊帥梁吉遣其佐弓裔率兵襲
十餘郡剽掠州縣衆至五千

岑恭王名曉憲康庶子真聖養之立為太
子至是即位元年丁巳昭宗乾寧四年

齊德王名昇名景昇可達羅遠孫人阿含
六歲之子名恭恭薨無子國人立之元年壬
申後梁太祖乾化二年

景明王名昇名神德太子元年丁丑末帝
貞明三年二年戊寅弓裔麾下推戴王建
弓裔出奔為下所殺建即位稱元

景哀王名魏膺景明母弟元年甲申後唐
莊宗同光二年為甄萱所殺事見古蹟

敬順王姓金名傳文聖之後伊魯孝宗之
子為甄萱所立元年丁亥後唐明宗天成

二年舉前王屍殯於西堂興群下慟哭上
謚五年辛卯王遣使高麗請相見麗王以
五十騎至京王與百官郊迎宴於臨海殿
酒酣王曰小國不天雖當祿喪同茲然泣
下左右莫不鳴咽麗王亦流涕慰籍之因
留數旬而還王送至火城麗王之初至肅
豫兩行不犯教衛都人士女相慶曰昔甄
氏之來也如違豺虎今王公之至也如見
父母九年乙未王以國弱勢孤不能自安
乃與群下謀降高麗王子曰當與忠臣議

士取集民心力盡而後已豈宜以一千
社稷一朝輕以與人王曰孤危若此勢
能全至使無辜之民肝腦塗地吾不忍也
乃使侍郎金封休書請降王子歸吳薛
王八皆骨山倚巖為屋麻衣草食以終其
身十一月麗王受書出郊迎勞館于柳花
宮妻以長女樂浪公主拜為敬聖封樂浪
王國除為慶州新羅亡新羅朴氏十王皆
氏八王金氏三十八王合五十六世九百
九十二年以上山京國通鑑纂要三國史

慶州地界

東至蔚山府界六十二里至長鬐縣界八
十三里南至彥陽縣界六十二里西至清
道郡界七十六里至永川郡界五十三里
北至迎日縣界三十六里至青松府界五
德縣界一百五十里距京都七百八十三
里

建置沿革

本新羅古都漢五鳳元年始祖赫居世開
國建都固甌徐耶伐或稱斯羅或稱斯盧

後齊新羅脫解王九年始於有雞怪更名
雞林因以為國號基臨王十年復號新羅
高麗太祖十八年敬順王金傳來降國除
為慶州二十三年陞為大都督府成宗六
年改為東京留守十四年稱留守使屬蜀
京道顯宗三年降為慶州防禦使五年改
安東大都護府二十一年復為東京留守
時統方所上三韓會土記有高麗三京之
文故復置之神宗五年東京夜別抄作亂
攻初州郡遣師討平之七年以東京人造

新羅復盛之言傳擲尚清忠原州道謀亂
降知慶州事奪管內州府郡縣鄉部曲分
隸安東尚州高宗六年復為留守忠烈王
三十四年改稱難林府辛禡別號樂浪本
朝

太宗朝復慶州舊號

世宗朝置鎮出與地勝覽無考裏之地三
志

官號沿革以本府流來先生案考列

序如左而與裏文不同亦詳

是

肅宗二十三年庚子除羣號為慶州司
置安東大都護都督府成宗十三年甲午
改安東大都護為東京留守官穆宗五年
壬寅改為安東金州大都護府顯宗三年
壬子改東京留守為慶州防禦使顯宗五
年甲寅改慶州防禦使為安東大都護府
顯宗九年戊午改安東都護府為慶州大
都護府顯宗十八年丁卯為牧顯宗二十
一年庚午改為東京留守官此下改為東

京知官後改知官爲尚書又置大判司錄
法曹記室等官而未詳在於何年知官事
疑因夜別抄之亂而降爲知州也忠烈王
十一年乙酉改大判爲侍郎四年己丑復
號大判忠烈王二十一年乙未改大判爲
判官丁酉復號侍郎忠烈王三十四年戊
申改尚書爲府尹侍郎爲判官辛耦四年
戊午以府尹兼元帥高麗末以府尹兼兵
馬節制使判官兼勸農防禦使我

太祖朝廢勸農防禦使

新嘉坡一
孝宗元年庚寅以醴泉逆奴逃接杞溪村
弑主故降尹為牧今

上朝己亥復陞為尹乙巳以賊子弑父故
降為府使歷世府官姓名詳見先生案

屬縣

安康縣在府北四十五里本新羅比火縣

景德王改今名為義昌郡領縣義昌今興

海高麗顯宗時來屬恭讓王置監務我

太祖朝復屬之新增有土城城中有山形

如伏龜故號龜城杞溪縣在府北七十

里本新羅芒兮縣一云化鷄景德王改今
名爲義昌郡領縣高麗顯宗時來屬新增
縣南五里許有邑基縣西地名北館村有
鄉校基址○慈仁縣在府西一百十里
新羅奴斯火縣一云其火景德王改今名
屬獐山郡今慶山高麗顯宗時來屬新增
崇禎丁丑

仁祖朝縣人李昌後金應明等疏請分設
神光縣在府北八十里本新羅東仍音
縣一云神乙景德王改今名爲義昌郡領

縣後稱昵於鎮高麗太祖十三年親幸城
之改名神光鎮顯宗時來屬新增有土城
周二百三十步 仇史部曲在府西百里
本新羅麻珍良縣珍一作彌景德王改餘
糧縣屬獐山郡後降為部曲改今名新增
我

孝宗朝癸巳移屬慈仁縣 竹長部曲在
府北一百十里青松府界本新羅長鎮縣
高麗時降為部曲 北安谷部曲在府西
百里越入永川東南村

鎮管

郡四蔚山梁山永川興海新增今則蔚山
陸為府 縣六清河迎日長鬚機張東萊
彥陽新增今則東萊別設獨鎮機張置戰
船革罷東伍故皆不在於鎮屬中

屬任

留鄉所座首一人別監三人○大同有司
二人○常廳監官二人○常平倉監官一
人○軍器監官二人○鄉約都約正副約
正直月各一人各面亦皆有約正直月一

人○鄉校都有司一人掌議一人行有司
二人典穀一人○西岳書院院長一人有
司一人典穀一人○玉山書院院長一人
有司一人典穀二人○紙所監官一人
新羅始祖廟守護官一人○敬順王影堂
有司一人○醫局都監一人都約正創無
有司一人監劑三人○武學堂教授一人
有司一人○養武堂中軍一人營將創無
千總一人把總二人旗鼓官一人知穀官
十五人旗牌官十六人哨官十六人

人吏奴婢

鄉吏十六人 假吏一百六十六人 官奴婢

並八十八

邑名

辰韓 徐耶茂 新盧 斯羅 樂浪

雞林 月城 東京 金鰲 蚊川

姓氏

本府朴昔金 並新羅宗姓 李 及 栗 崔 洪 梁

鄭 本 校 孫 牟 梁 裴 漢 抵 薛 習 比 〇 已 上 六

節姓詳見古蹟 康 涇州 契 田 詳人 物下

楊雄（安）康（安）盧金黃（盧）邵邊（并）唐（尹）金

三（祀）淡（俞）揚益（一作）王（尹）金（金）海（慈）仁

升（韓）鄭周（任）珍（鳥）邊（加）思（神）光（徐）陳（尹）

中（仇）史（鄭）石曹（全）章（山）竹（長）葛（葛）李（金）

宗（并）亲（省）法（伊）金（崔）并（續）北（安）谷（李）宋（葛）

風俗

君子之國（三國史云）唐太宗間金春款之

言嘆曰誠君子之國也（服色尚素）隋書

服色尚素婦人（辨）髮（統）頭（以）雜（綜）及（珠）為

歸（婚）嫁（准）酒（食）同上（婚）嫁（之）禮（准）酒（食）

而已輕重隨貧富○元日相慶唐書云日
相慶是日拜日月神○見人必跪同上見
人必跪則以手拮地為恭○糯飯蒸為黍
羅昭智王既免琴匣之禍國人以為祥非
為鼠龍馬指之功則王之身威矣遂以三
月上子辰上午上亥等日忌慎百事不
敢動作以為慎日俚言恒初言悲恐忌
忌也又以十六日為鳥忌之日以禱祭
之國俗至今猶然詳見音出地註乙亥續
壽儒理王時中分六部為二使王女二人

各率部內女子分明自秋七月既望至日
早集大部之庭續麻乙夜而罷至八月望
考其功之多少置酒食以謝勝者於
是歌舞百戲皆作謂之嘉俳是時負家一
女起舞嘆曰會蘇會蘇其音哀雅後人目
其聲而作歌名會蘇曲國俗至今行之
風月主（花郎法興王元年選童男客歲
端正者號風月主求善士為徒衆以勵考
惕忠信○初新羅君臣患無以知人欲使
類聚群遊以觀行義然後舉而用之遂簡

數女二人奉為源花口南毛曰俊貞聚徒
三百餘人二女爭妍相妬俊貞置酒私第
強勸南毛酒至醉投河殺之其徒得其屍
以告俊貞次誅遂廢源花其後更聚義貌
男子莊飾之名花即徒衆雲集或相磨以
道義或相悅以歌樂遊遨山水無遠不至
曰此知人邪正擇而用之○舞劍之戲黃
道即新羅人也諺傳年七歲入百濟市中
舞劍賣者如堵濟王聞之召觀命升堂舞
劍唱即曰荆王國人殺之羅人哀之像其

客為後面作舞劍之狀至今傳之○新羅
又有舞樂金九月頭六面東毒按貌五枝
崔文昌歌遠金九月詩回身掉臂弄金九月
舞是時滿眼有縱有直條那勝此定知鯨
海息波瀾○月頭詩有高項縮髮崔嵬擡
臂舞僞閣猶盃聽得歌聲人盡笑夜頭旗
幟曉頭催○六面詩黃金面色是其人手
抱珠鞍後鬼袖我步徐趨呈雅舞宛如丹
鳳舞光春○東毒詩蓬頭藍面異人間押
像未定學舞鸞打鼓擊鼓風瑟瑟南奔北

躍也無端○後魏詩遠涉流沙萬里來毛
衣破盡着塵埃搖頭掉尾馴仁德雄氣寧
同有獸才○洛東流水金克已集東都遺
俗以六月望浴東流水目為禳飲謂之流
頭寧蓋以河朔避暑之飲誤為禳飲耳
列肆交易○任載用車○民俗資耕親風
壑云云有羅代之遺風○土厚風淳亦唐
記云云民知禮讓○繁華佳麗甲於四方
鄭麟趾記 以上出輿地勝覽 新增女子
髻髻以國都北方靈裝女子結髻於腦

後因名止鑿至今猶然狗之短尾者世謂
之東京狗亦以此方之虛故也○堯章男
子通孫之說

山川

張山在府東九里鎮山○明活山在府東
十一里新增山下有原名曰開地原乃府
城宗脉也有古種樹成叢自嘉靖壬午年
間民多冒耕而墜斷山脉引水灌田天啓
癸亥年間沙里驛卒以馬位田換得民田
後居於此今年因邑人呈狀為其有傷來

脉申請監司撤移沙里舊驛今按明沿山
一按為義山自撤山為月城而一按為府
虛與地府覽以撤山為鎮山者非也吐舍
山在府東三十里新羅稱東嶽為中祀三
金剛山在府北七里新羅號北嶽○非月
洞山在府西六十七里 仙龍山在府西
七里新羅號西嶽或稱西定或稱西元或
稱西為 含月山在府東五十里新羅號
南嶽 金蓋山一名南山在府南六里○
唐顧雲贈崔文昌詩我聞海上三金蓋全

蒼頭戴山高高山之上乃珠宮貝闕黃臺
紫山之下乃千里萬里之洪濤傍邊一縣
為赤岩蒼山孕秀生奇特 兄山在安東
縣東二十一里新羅稱北兄山為中祀
蔚介山在府西三十里 次雲山在府南
三十里 墨蓋山在府南四十里 只火
谷山在府西四十里 斷石山一云月生
山在府西二十三里謠傳新羅角下金度
信欲伐黑濤得神劍隱入月生山石窟錄
劍試斷大石疊積如山其石尚存劍寺其

下名曰斷石○紫玉山在安康縣西十三里○達城山在安康縣南二里○飛鶴山在神光縣西五里○咽薄山在府南三十五里謠傳金角千携寶劍入深壑燒香告天祈禱兵法處○舍羅現在府北三十里○件代嶺在府東三十六里○女界谷在府西四十一里世傳百濟將軍弓名穴兵于此新羅善德王命角千開川擒殺之無才遺此王知幾三事之一也○成現在府北五十八里○八助嶺在府東六十五

里○馬北山在神光縣北二十六里○節
嶺在府東六十五里長壽縣界○款嶺在
府東三十里○箴嶺在府東四十里○鷄
冠嶺在府南五十里即村堤上妻望哭自
盡處○海在府東七十里○八助浦在府
東七十里○有魚梁○兄山浦在安康縣東
二十里堀淵下流○東川一云北川一云
開川在府東五里出嶽嶺入堀淵新增俗
傳川流自東北直衝邑居故高麗顯宗朝
發全羅忠清慶尚三道軍丁築石為堤成

植林蔽以防水害云○西川在府西四里
有三源一出明薄山一出墨匠山一出只
火谷山合流入兄山浦○溫之洞在安康
縣東二十四里有龍堂禱雨有應○蟠淵
川在府北三十五里有魚梁○史等伊川
一云荒川在府東三十里源出吐舍山入
西川○欽川在府南五里史等伊川下流
○金亮己詩東皇一手懸萬壑筠沾被花
心驚惠風鳥聲感和氣朱朱上緋袍白
白尋繚李薦古調歌童燕腰欺舞妓占斷

倚天追夢幽勝地將升兔嶺巔却並蛟川
淡卻空遙送目臨岸靜領耳屏開簇簇山
鏡轉溶溶水雲端結黃鵠浪面跳紫鯉幽
簷菊意蘭秀色食荷菱義景苦難逢浮生
寧久特要成域外遊都遣人間累走筆縱
狂吟飛觴誇爛醉是非兩忘榮悴俱脫
展綠醅猶未開紅晷忽將墜今夕是何時
此身誰氏子若非蓬島仙真箇添園吏浮
休尚忘情去住寧介意舉頭謝煙霞扶腰
四杖履但恐車馬場晨興趁聲利○又後

橫詩今年濕熱以開霽十日愁霖如倒河
忽喜陰雲淨似掃南山萬朶開青螺逸勢
橫奔五百里中塗拗怒成坡陀下有蛟川
一帶水千盤萬折流逶迤走向月精倚口
過驚瀾崩碎響鳴珂嚴莊樓下漸汗漫浪
息沙平鋪蜀羅洛邑諸生十萬指臨流後
懷肩相磨良辰美景古難必盛集誰辭追
永和而予況又少放狂擬施紅船隨素波
胡為恣恣向學舍促席共倒金叵羅蕭蕭
綠漲色可掇痛飲不省朱顏酡清歡未盡

客未散竹外紅日先蹉跎乘酣意氣忽橫
出欲上青天橫魯戈○吐上池在府東四
十里○高位山在府南二十五里天龍寺
三山也以上出輿地勝覽新增縣巖在府
東北五里李謁平所降處俗傳新羅府以
此巖有害於國都種瓢以覆故名焉○於
乙於山安康縣鎮山也橫截縣西北○三
勝山在安康縣西二十里谷中水石清奇
師傳鄭克後構書堂○道德山在安康縣
西十里紫玉山西北峯也上有場巖中有

斗德嶺見佛宇華蓋山王山書院三山
也形如華蓋故名馬○雪倉山在安陸縣
東八里良佐村王山也○舞鶴山在安陸
縣西十五里○茂陵山在安陸縣西南十
里昆弟山在安陸縣南十五里有雙峯
並峙形如兄弟故名鳳棲山四聖山在
府東五十里俗傳新羅時四聖僧住于南
峯鳳鳥常集于此峯故名其南曰四聖名
其北曰鳳棲兄弟山在府東二十里雙
峯並峙如兄弟故名義眉山在府南七

十里天旱禱雨有應 僧三山在府北
三里俗傳高麗時三僧入公庭化為虎故名
鳳生巖在杞溪縣西南十里巖西有石
窟其下有鎮氣菴舊址 太華山在杞溪
縣北十五里 雲住山在杞溪縣西十五
里安國寺三山也以山勢高峻雲氣常在
故名 雪倉山在府西五里許 蛇山在
杞溪縣東上有羅代胎峯 臂長山在府
西三十里金谷寺三山也其北有羅代胎
峯 生鵝峴在杞溪縣北四十里 大峴

在杞溪縣北十五里○火乃硯在杞溪縣
西二十里○磨造硯在杞溪縣東十里○
鞞硯在杞溪縣南五里○龍巖在神光縣
東五里巖上有卧龍形故名○獨山一云
鄉校山在神光縣東二里廣野中有一小
山峙起上有土城形一重其內有井六皇
不竭俗傳鄉校基云○安趾山在神光縣
北三里上有土城形三重俗傳新羅真平
王所遊處也○富山在府西三十里品上
村三山也山上有舊基俗稱長者墓又有

湯井山腰有石窟中可容十餘人一貫

崖在府西四十五里龜尾山在府西三

十里上有祈雨處仁崖山在府西四十

里觀瀾峯在府西五十五里形如觀瀾

故名石頭山在府西五十里東京阜

在府西八十里境接清道元凱嶺在府

西四十里麻叱嶺在府西北五十里

礪峴在安康縣西三十里永川界花折

峴在府西十七里馬轉峴在府西二十

里檢丹山在安康縣南二十里士坊村

西○車嶺在府東五十五里○虎穴窟在
墨丘山東中可容三十餘人○匙山在府
南三十里○望山在府南二十里上有社
雨處○寒川有三源一出至山洞一出礪
峴一出豆里洞合流入于掘淵川○達城
川有二源一出大峴谷一出背法谷合流
入于掘淵川○虎邑川源出飛鶴山流入
于興海曲江○牛朴川有三源一出吐上
一出新院一出石乙只合流入于蔚山太
和江○義容川有二源一出甘存一出盧

谷合流入于清道孔巖川○竹長川源出
青松界柳峴流入于永川撞項川○牟梁
川有七源一出雨微洞一出達川洞一出
仙童洞一出阿火一出道伊洞一出古川
一出斷石山合流入于西川

○勝地

鳳凰臺在府南門外 停雲堂在府西四
十五里如鳳凰臺而差高俗傳羅王所遊
處也○獨樂堂在玉山書院之北一馬場
許晦齋李先生別墅也五峰李好問別

獨樂堂主人李浚即先生庶孫也詩昔過
紫玉山不見泉石高泉石可不見道脉實
在斯斯人又南歸使我增長悲鳳臺黃菊
開河岸丹楓垂吾道亦未晚匹馬今當隨
○抑西庄詩李君信厚士憐我老多奇春
風一見過秋日復來斯行藏久已定世事
安足悲且盡一盃懽莫遣雙淚垂清風與
明月此時又相隨○旅軒張先生詩白頭
至紫玉融結方最奇東賢至晦齋道脉正
於斯如何終絕微永作山河悲幸賴有詩

述的訓星日無所樂自可尋不須執彊隨
○東岳李安訥詩人好鳥亦好况乃溪山
奇山中有閑地我欲老於斯揚岐良可泣
墨絲誰無悲永依仁里居仰承明訓垂先
哲去已遠捨予孰追隨○抑西堂詩此去
拖花洞迢迢七舍餘獨來殘雪後遙訪故
人居舊義今猶在交情病未疎春風一相
別危第各隨如養真菴在獨樂堂北今
稱溪亭前臨澗水淨瀟為匪淥淨徹底先
生手栽松竹森列左右○灌圃魚得江詩

曾著紫玉山中好公作書堂為此溪今日
英靈却驚怪生曾不見駭雞犀混沌溪山
客我老青年住此白鳥頭世人皆識吾貧
鬼萬斛煙霞富可羞○先生次曰自知疎
懶合幽棲卜等由來愛紫溪指揮始悟忘
真鵲處世猶嫌照水犀多公早占溪山勝
投綏清朝至白頭自歎平生心事謬養真
經世兩堪羞○龍洲趙綱詩王山南麓供
幽棲雲擁松林月印溪存想先生百年後
心通不必待靈犀吾道東來暗復明○源

漣洛自先生試看險阻天心在遂使玄文
澤畔成○觀魚臺即溪亭下盤石也平坦
如練可坐三四十人○詠歸臺即觀魚臺
東岸巖石斗起平鋪○濯纓臺在淨惠寺
東溪岸○澄心臺亦在淨惠寺東溪岸與
濯纓臺雙峙○洗心臺在書院右壇下盤
石平鋪周圍甚廣刻退溪先生所書洗心
臺三大字於石南面澗水自山谷縈流於
盤石間為瀑布下有深潭名曰龍湫兩面
如削成長可四五丈廣可一丈許亦刻退

溪先生所書龍湫二大字於湫西面石壁上
上水漲衝激缺龍字右邊湫岸老榆成行
陰覆盤石以上臺號皆瞻齋先生所命而
是溪先生亦皆書額筆跡歲在獨樂堂下

龍湫即洗心臺下流也左右巖石矗立瀑
流成潭深不可測○雙碧亭在湫南岸盤
石數株偃蓋其上獅子巖在洗心臺北
一馬場許枕流亭在府西五里雲谷
村層巖削平流水彎迴進士崔超南所構
而今廢駕湖湖亭在府南二十里有峯

高平俯臨深淵俗傳羅王遊賞處萬層中
進士金得地作亭于巖上今廢盤龜臺
在府南七十里三層為臺狀如伏龜故名
六川彎迴下為澄潭其泉石之勝真別區
也鳳臨臺在安原縣東堀洞下流斷麓
斗起臨水晦齋先生命名焉○水雲亭在
安原縣東雪倉山南麓平臨大野俯瞰川
流參差孫暉作亭其上今廢○雪川亭在
水雲亭左形勝與水雲亭並稱郡守李宜
結所構六宜堂在府東三十里山上湖

上佳致亦一別區縣監崔繼宗所構○府
尹鄭文翼詩慳秘十年以幽居待子開山
形飛鳳舞水勢卧龍迴石老松宜古沙明
鷺亦來忘歸更把酒休道日西顧群鸞重
亦處一壑抱村間隣近詩仙築庭無俗駕
迴透簾雲影落侵幔水光來只有林泉興
何知世道額○府尹全是詩亭散春容媚
湖平鏡面開舊聞山簡逸今向習池迴寫
慮部消去三公肯換來登臨無厭意逐日
恐先顧春晚茅亭暖臺高綺席開閉清歌

數聞豪氣消三迴取醉渾忘返臨分更約

來明宗有薄襟不惜至山顙○正卻全克

桓以集句次曰屋院野情在高道選觀物

象來同入於泉忘探歷皇賓三車馬繁遲

迴非嘗言遠水無天淨共甫長風送月來

舞食忘憂惟有酒張言川不怪至山顙皇

無官為歸亭在安東縣東二十里鄉人蔣

惟亮所構俯歷兄江平臨大野宏豁明麗

甲於東都東海商船皆泊於亭下師傳鄭

克後為記見雜著論遺二樂堂在金鰲山

東麓鄉人任勸所構密堂也前臨池湖築
石為階仍構樓亭登臨則宛在水中種蓮
蒲湖當秋盛開萬朵紅萼輝映軒楹

土產

白礬出舍羅峴○沙鐵出府東八助浦

石硫黃出非月洞山○鰻○鯉魚○廣魚

○銀口魚○大口魚○紅蛤○青魚○魴

魚○黃魚○洪魚○海衣○藁海中有藁

俗名為藁其類如昆布塔士麻通謂之藁

○松茸○海松子○蜂蜜○漆○白花蛇

○天門冬 ○何首烏 ○吳茱萸 ○山茱萸
○倭猪 ○鱸魚 ○文魚 ○松魚 以上出集
地 鱉 ○新增皂莢 ○皂角刺 ○麻黃 ○人
參 ○麥門冬 ○水珊瑚 ○水晶

城郭

邑城 石築周四千七十五尺高十二尺內
有井八十 ○徽禮門 邑城南門也穴於壬
辰兵亂崇禎壬申府尹全湜重修東西北
三門次第繼建 ○金城 在府東四里赫居
世二十一年甲申築京城號曰金城土築

周二十四百七尺二十六年巳丑營宮室
於金城○月城在府東南五里婆婆三十
二年辛丑築形如半月故名或稱在城上
築周一千二十三步輿地勝覽周三千二
十三尺秋王移居于此初脫解王以時登
吐含山望城中可居之地見揚山一峯如
日月勢乃下尋之即瓠公宅也潛埋礪炭
于其側謂瓠公曰此是吾祖家屋瓠公爭
辨遂訟于官官曰何以驗沒家脫解曰我
本治匠乍出隣鄉為人所奪請掘地以驗

果得礪炭遂與脫解居之此即月城之址
儒禮七年庚戌大水月城頽毀八年辛亥
補築昭智九年丁卯葺之十年戊辰移居
于此○李仁老詩孤城微彎象半月荆棘
半掩鼉鼉吹鵠嶺青松氣鬱鬱雞林黃葉
秋蕭瑟自從大阿倒柄後中原鹿死何人
手江文空傳玉樹花春風幾拂金堤柳
蒲月城在月城北土築周四千九百四十
五天 明治城在月城東真興王十五年
甲戌築真王十五年癸丑改築周三千

步輿地勝覽周七千八百十八尺慈悲王
十六年癸丑葺之十八年己卯移居于此
○南山城在月城南真平王十三年辛亥
築周二千五十四步輿地勝覽周七千五
百四十四尺文武王十九年己卯增築
富山城在府西三十二里文武王三年癸
亥築石城周三千六百尺高七尺今半覆
圯內有四川一池九泉有軍倉今廢○鹽
門城在府東四十五里對山界石築周六
千七百九十九尺今稱萬里城以上諸城

通勝覽而商品其遺

關防

昔浦營在府東七十二里○水軍萬戶一
人正德壬申石築城周七百三十六尺高
十三尺內有四井出與地勝覽新增今廢
鎮于東萊

登蓬

元山烽燧在府北四十五里東應迎日歸
沙火即山西應永川郡所山下西知登
蓬在府東七十里南應蔚山柳浦北應元

山○禿山烽燧在府東五十四里南應下
西知北應長鬐縣一占○大站烽燧在府
東五十七里南應蔚山加里山北應東岳
○東岳烽燧在府東五十七里南應大站
西應高位山○高位山烽燧在府南二十
五里東應東岳南應蘇山西應乃布站
乃布站烽燧在府西二十六里東應高位
山西應朱砂山○朱砂山烽燧在府西四
十二里東應乃布站西應永川郡方山一
謂增今移于道音谷村前山○蘇山烽燧在

齊南七十五里南應夢陽縣大光山北應
高位山 以上出與地勝覽

宮室

集慶殿在客館北

太宗朝奉安我

太祖康獻大王辟容

世宗朝改造殿宇壬辰兵亂發安于江陵

府基址階砌俱在○客館徐四佳居正東

軒記新羅氏都難林麗祖統三為一國除

為慶州俄陸大都督府成宗置東京留守

顯宗廢留守降為慶州防禦使未幾復置
之中更變故降知慶州事高宗復為留守
忠烈朝改稱難林府我

太宗恭定大王十五年復為慶州府

世宗莊憲大王朝安

太祖康獻大王時容於集慶殿府於慶尚
一道景鍾土地豐村民物富庶人心淳朴
有古新羅氏之遺風往往有奇形勝地古
賢遺跡前代人物之風流亦足想見矣居
正少游嶺南歷名區抵于慶繁華佳麗實

東南諸郡之冠第懷館宇欲隘雖有倚風
一樓不足以容馳暢叙湮鬱是一州之大
欠也竊以謂慶為州自高麗氏已五百年
吏于州不知賢幾人能幾人何無一人修
舉廢墜至於如是哉壬午冬奉命至于慶
吾友金寶憲談為尹辛承議仲璘為通判
監司福州權公愷觴余倚風樓上予舉前
說而告之尹笑曰予先得我心矣已謀諸
通判將重新客館積材陶瓦以待歲月耳
監司聞而亦嘉之居正曰慶之重新其有

數乎得賢尹賢通判又得賢監司志同議
合事可指日為也未幾金尹以吏曹判書
召還癸未夏逢原鄭公興孫繼尹辛通判
具白事由曰客館舊址增大其規模將經
營締構矣兩鄉之大族今領議政高靈府
院君申公叔舟大司成金公永濡又嘉其
事遣梓人徐休董其後先起大廳五間前
後有楹宏敞廣潤東西有軒各有上房使
室涼燠得宜施之丹雘文彩眩耀觀者遠
之甲申冬辛通判以監察召還楊公石堅

繼之修繕翼以廊廡綵以垣墻事既告成
丙戌春正月鄭尹秩滿召還和城翟公喜
復繼尹二月楊通判見遠鄭通判蘭孫繼
之功之未訖者兩侯措置亦必有余裕矣
一日辛公語余曰慶之官廨將新而倚風
樓又久先儒豫亭李先生記亦隨以一慶
之往牒無文可徵知事之終始莫如予幸
記之居正曰僕前日所欠於慶者得數君
子一六重新豈不可喜而可書也况春秋
與作必書重民事也予觀今為守令率皆

勞民動衆時爲舉國建一樓營一府
害民多矣今金尹去通判劉公去
一石費不及民繼而鄭尹揚通判劉
勞使民以時知數君子者在春秋之
可廢而可書也居正歲茶壘花不可以
之辭造書大緊而照之若崔鄭兩侯之
繼而書者亦必有人矣新垣通判公
中災天順八年甲申重刻嘉靖壬子
餘間荒盡羅代所傳三百二十二
兩重青銅大火燼並燒越四年乙卯重刻

高層廣實穴，舊基階砌尚。六二宮，說南原。
考遺址，營建正，屢及東西，斯即今所闢。客
舍也。○五峯寺，好閑詩，千古興亡，三山房。
鳳舞來，明朝日，南至，昨夜，說東，四見，月詩。
仙去，關河，玉笛，象平，坐感，無意，長言，三三。
臺。○東嶽亭，安詩，詩嶺外，難於，府臺，四臨。
上來一從城，北過五見，小西，四，三，三，三，三。
記蒼顏，老可哀，繼君心，更切，何。三，三，三，三。
北，說，這，雲，起，西，川，統，郭，來，城，景，三，三，三，三。
廣，島，雙，回，馬，升，基，神，是，魚，亭，三，三，三，三。

問三姓九聖但空臺○李敏求詩故園衣
冠盡荒城歲月來春生邊野變日暮大江
回錦石含孤憤珠陵起七哀郊墟不可望
莫上最高臺○營廳府舊為觀察使本營
故有營廳今廢但有空址○賓賢樓在容
館東○鄭河東麟趾記上之二十三年樞
副金公益生尹于慶慶是新羅千年舊都
繁華佳麗甲於南方公視事數月政之弛
者張訟之滯者理德化行名聲著越明年
陞階為太僕憲特恩也一日公謂通判曰吳

州為昇之首每春秋監司元戎必於是焉
而試武藝張幕於城外以為塲或風或雨
之日儀形不稱蓋圖所以改之耶詢于
吏吏曰障厥塞乃卜地于城中客館之東偏
厥地紆餘面勢甚宜闢其前矢可以及遠
塲其宇焉足以騁力累土為臺高可數仞
起樓其上而五其楹墜之翼如也俯歷千
家四面衆山如在席下旬月之頃興焉為
一州之壯觀喜可知也公告滿而來永嘉
權公克和代尹迺楹而畢公之志焉公

更欲修之而求名於安平大君得大書賓
賢樓三字以賜之慶之幸何如也公又使
予付其命告之義予惟治莫盛於成周大
司徒以辨三物賓與賢能射御為考藝之
白行葦之詩曰射夫既均序賓以賢燕故
之際亦必以射禮為先夫射也者其道可
以觀德行其用可以威天下千戚之將介
牙之士皆由此舉宜乎王者之是急故曰
兵可十日不用不可一日不修周公之戒
成王曰克詰戎兵以親文王之耿光以揚

武王之大烈召公之告康王曰張皇六師
無壞我高祖寡命成康制禮作樂持盈守
歲之主而周召之告成如此聖人之意可
見矣其在高麗中葉以後文恬武嬉樓臺
馬管絃歌舞之場花月乎遊賞玩詠之席
上下相忘於醉夢之中無有醒寤駸駸乎
衰微不振卒之海寇鴟張屠害生靈無所
畏忌難大為之一空杜預曰以丘墟豈不
為今日之殷鑑歟自古國勢之強弱生民
之休戚皆係乎武備之得失我國家 列

聖相承中外昇平然且安不思危理不忘
亂立武舉之科三年六比以求其俊傑該
備習之法春秋訓練以選其精銳此豈非
奮揚威武長治久安之道乎慶之尹積衆
入矣樓之建始於公公其知國家之大體
乎後之君子其勉旃焉新增正統壬戌迄
咸亨慶即所謂軍器廳也猶以賓賢為扁
○倚風樓在客館西○蘇亭李穀詩序子
至東京客舍登東樓殊無佳致乃陟西樓
頗壯麗軒豁城郭山川一覽而盡三歲六

師旋公大書倚風樓三字而無題詠者惟
是府千年舊都古蹟遺跡往往而有自入
本國為東京亦將五百載其繁華佳麗冠
於東南而後節觀風割荷宣化者又多詩
人墨客意必有紅壁紗籠銀鉤玉筋輝煥
其間以今所見惟賓軒所題一絕句在耳
先儒金君綬者唱也或言曩謫舍灾詩板
隨以三然金詩何獨不火火後之作亦何
不見或者之言不足徵也有一鄉校生曰
金詩偶存可以想見百年前風流人物也

盡於其時既醇故簡遇事輒裁遇興輒發
至於簿領陳於前絲竹列於後人不為非
而自不為嫌也百年之後促促然務自修
飾一頻一笑恐或不時安敢登臨嘯詠以
平腐儒之請今先生無觀風宣化之勞以
尋真探勝為事縱觀楓岳雪山萬仞又踰
武關入東海以窮國島之奇茲遂遵海而
南摩挲篆石亭之古碣三日浦之冊書六
字舟泛永即湖鏡浦以訪四仙之遺蹟獨
熙聖留室以極其幽怪而卒至於斯其於

遊觀可謂厭飲矣然新羅古都壯觀遙峙
筆於此接而無一語而去為先生蓋余應
之曰吾豈不云云乎哉但不能為詩人墨
客之流耳然於諸生之言深有所感而且
得以觀世變曰成長句四韻以示登斯樓
者云詩曰東都文物尚繁華更起高樓擁
紫霞城郭千年羅代樹間闌一半荒王家
珠簾捲盡山如畫玉笛吹殘日未斜倚柱
吟詩還自笑重來不必更龍紗○徐四佳
記嶺以南素稱多名區勝地居正少有司

馬子長之志踰嶺而尚而善由花而星歷
金晉訪咸密抵于虔慶即古之難林而新
羅氏之所部也山河秀異雲物奇絕多有
古賢遺跡是以償遠遊欲宿之氣第眼難
字欲臨雖有倚風一樓四簷武臺如坐說
中使人同閱然至今冬泰使君至府尹全
公次遂予登樓登容陽詠予曰滕王閣天
下之名勝四海豪傑聞人士士登臨絕望
者不知幾人乃得王中丞而重新華遠之
而亦記斯樓之勝之記當屬之何人予全

尹先生起數載歸字重新辛通判神學信
子記略書顛末歸之俄間倚風樓又六六
而亦新者非舊丁亥春李侯念義來尹政
修其法謀所以重新乃即樓之舊址增大
其規模經營締構蔚然為一道之壯觀繼
而得曰府尹祠生初通判子濱又加責歸
功乃就緒索託於居正予惟物之興廢物
之理也而其所以一盛一衰者亦莫不關
於時運常新羅之初天降異人開淳龐建
邦國君臣相濟仁厚為政三姓相傳幾於

一千年卒能平麗合甯富有東土此正唐
史所稱仁人君子詩書之國足以想人物
繁華之盛矣敬順王納土降麗如吳越錢
王自是以後或州或府或縣隨沿革不同
高麗之表島夷侵軼模觀灰燼雲物凋喪
讀稼亭李先生記可見當時之多故矣

聖朝天地涵育邊陲安帖百年于茲矣慶
地廣民稠物阜財殷為東南府庫之最吏
又得人事無廢墜雖館宇樓榭亦皆一新
是寧知天之靳於前日者乃所以待今日

耶今斯樓也。瞻帷祭載之。臨騷人墨客
之遊賞。憑欄徙倚。俛仰古今。感古都之興
廢。覽時物之推遷。夷然豁然。陶寫性情。有
古登臺作者之氣像。此豈非太平之盛事
而物理興廢之機耶。嗚呼。平壤三朝鮮。高
句麗之古都。山河人物之勝。與慶相為甲
乙。我隱先生嘗記風月樓而居正。記重新
稼亭先生記斯樓而居正。又記重新以居
正之。不材名繼稼亭父子之名於東西二
京。豈非幸耶。故不以文拙辭而樂為記。○

李達哀詩當時自謂小山華半月城空鎖
晚霞里有苔碑金佛剎境連蓬島至仙家
北川水落灘聲咽西岳雲奔雨脚斜一瞬
興亡多少事憑軒朗詠岸為紗新增迨祐
七年庚申災取後重修天順甲申災成化
戊子改修嘉靖壬子災取後未知某年重
修某年還廢而即今舊址猶在○南亭在
州南五里五陵北府尹金溪所建今廢
東亭在府東南五里今廢○田孫生詩半
月城空江月白孤雲仙去野雲閑更尋王

祭登樓賦方寸詩情未易寬○利見臺在
府東七十里海岸○世傳倭國數侵新羅
文武王忠之誓死為龍護邦國而禦寇盜
將薨遺命葬于東海濱水中神文王從之
葬後追慕其臺望之有大龍見于海中曰
名曰利見臺臺下十步海中有石四角聲
出如四明是其葬處至今稱為大王臺○
李文和詩羅代君王孝子臺如今登眺已
封苔霓旌羽蓋腸堪斷峻宇雕牆址自頽
雲漢分明看北斗煙濤髣髴望東萊可憐

波上白鷗鳥潮去潮來依舊迴○金藏臺
在西川岸○湖碧亭在倚風樓南今廢以
上出輿地勝覽而間補其遺
新增府衙在
客館西北府尹衙舍也○琴鶴軒在府衙
東○制勝亭在琴鶴軒南○佐貳軒在客
館北判官衙舍也○光風樓在琴鶴軒東
府尹朴守弘所創樓前築石為池池中央
小臺樹紫薇花一株○軍器廳在客館東
南即賓賢樓舊基南階下有蓮池○養武
堂在府衙北○武學堂在城西門外今之

營將虎賁軒也○鄉射堂在城東門外
醫局在府衙北○營繕○錄事廳○教坊
樂坊俱在城中○鐘閣在教禮門外鳳凰
臺下懸奉德寺鐘詳見古蹟

倉庫

府倉在府衙南○常平倉在府倉南○大
同廳在制勝亭南○官廳在府衙北○安
康倉在府北四十五里安東縣土城中

元山倉在府北四十五里元山江邊古無
倉舍田稅米穀上納則輸運于惠州可興

倉下運則輸運于梁山甘同倉民甚苦之
此倉之設所以便上下漕運也○東海倉
在府東七十里古無倉舍亦因漕運之便
而置之○神光倉在府北八十里神光縣
土城中心○杞溪倉在府北七十里杞溪縣
○竹長倉在府北一百十里竹長縣○北
安谷倉在府西百里北安谷縣以上各倉
皆置監官一人而並以府縣吏者例無雜
班安谷元山東海倉別置

水庫在月城

學校

鄉校在府南四里雞林西蛟川北新羅神
文王二年壬午始立國學高麗以後為鄉
學而基則仍舊我

成廟朝弘治壬子府尹崔應賢重修制度
倣成均館壬辰之亂權奉位板于道德山
斗德菴而校舍灰燼久闕釋采萬曆庚子
府尹李時發時重建○聖殿三間與祀廳
三間還安位板甲辰府尹尹暉時重建東
西廡各十二間典祀廳各二間○
大成殿大成至聖文宣王東配克國復聖

公顏氏沂國述聖公孔氏西配鄒國宗聖

公曾氏鄒國亞聖公孟氏以上五聖殿內

東從享費公閏損薛公丹雍黎公端木賜

衛公仲由魏公卜商西從享鄆公丹祈齊

公宰子孫公丹求吳公言偃顓臾侯顓孫

師以上十哲東廡從享金鄉侯濬臺演明

任城侯原憲汝陽侯南宮适萊蕪侯曾點

須昌侯高瞿平輿侯恭雕開睢陽侯司馬

耕平陰侯有若東阿侯巫馬施陽穀侯顏

幸上蔡侯曹卹枝江侯公孫龍焉翊侯秦

育留澤侯顏高上邳侯瑗駟赤成紀侯石
作蜀鉅平侯公夏首膠東侯后處濟陽侯
奚容藏富平侯顏祖澄陽侯句井疆甄城
侯秦祖武成侯縣成即墨侯公祖句茲所
源侯燕夜宛句侯顏之傑建城侯樂歆崇
邑侯顏何林慮侯狄黑郛城侯孔忠徐城
侯公西歲臨濮侯施之常莖亭侯秦非文
登侯申振濟陰侯顏噲泗水侯孔鯉以上
孔門弟子
蘭陵伯荀况睢陽伯穀梁赤萊
蕪伯高堂生樂壽伯毛萇彭城伯劉向中

辛伯鄭衆續氏伯杜子春良鄉侯盧植榮
陽伯服虔司空王甫司徒杜預昌黎侯韓
愈豫國公程顥新安伯邵雍溫國公司馬
光達寧伯胡安國華陽伯張拭魏國公許
衡以上自周宋至宋元儒賢弘儒侯薛聰
新羅國帶人文成公安珣初名裕高麗興
州人今豐基號晦軒先生文敬公金宏弼
玄風人號東隱堂先生文正公趙光祖漢
裔人字靜菴先生文純公李滉禮安人三
進溪先生以上本國儒賢西廡從享單父

侯密不齊高密侯公冶長北海侯公指哀
曲阜侯顓無繇共城侯高柴壽張侯公伯
齊益都侯樊須鉅野侯公西赤子乘侯梁
鍾臨沂侯冉孺沐陽侯伯虔諸城侯冉季
濮陽侯恭雕哆高苑侯恭雕徒父鄒平侯
商澤當陽侯任不齊牟平侯公良孺新息
侯秦舟梁父侯公肩定聊城侯鄒單祈鄒
侯罕父黑淄川侯中黨厭次侯榮莠南華
侯左人郟朐山侯鄭國樂平侯原亢鄆城
侯廩絜博平侯叔仲會高堂侯邾巽臨朐

侯公西如內黃侯邁伯王長山侯林放南
頓侯陳亢陽平侯琴張博昌侯步叔棄以
上孔門弟子中都伯左丘明臨淄伯公羊
高萊氏伯次勝考彌伯戴聖汝都相董仲
舒曲阜伯孔安國岐陽伯賈逵扶風伯馬
融高密伯鄭玄任城伯何休偃師伯王弼
新野伯范寧道國公周敦頤洛國公程頤
邵伯張載徽國公朱熹開封伯呂祖謙
城伯真德秀崇安伯蔡沉臨川郡公吳澄
以上自周末至宋元儒賢文昌公崔致遠

高層甲辰府尹李安酌時重建明倫堂三
間東西齊各五間明倫堂東牆外有提督
廳西間廳東鑿池種蓮其中築石作小臺
樹紫薇花一株崇禎後山未築松壇于明
倫堂北師傳鄭克後作記見補遺 聖鑒
前而古無階級正路已西執東西無雨漏
二六四高層

覆修改託工府使周冕與儒生相議仍取
鴈鴨池臨海殿舊基石砌安於殿階下且
築正路又建尊經閣於松壇東畔

西岳書院在府西仙杜山下一名西元山

太宗陵北嘉靖辛酉府尹龜巖李公禎議
以新羅角千金庾信立祠亭之府儒請以
私儒侯薛應文昌公崔致遠並享龜巖真
於退溪李先生歲終亥奉宴三賢于一祠
退溪先生命名曰西岳精舍講堂曰講習
泉齋曰造修西齋曰誠敬東下齋曰切瑳

西下三司曰澡雪前樓曰詠歸門曰道東樓
指同揭先生筆而俱燬予壬辰位板則移
葺于山谷中為層庑予府尹李時發時構
草舍于舊址還安位板壬寅府尹李時彥
時重新廟宇而猶未盡復庚戌府尹崔新
時重創講堂齋舍及於祀廳藏書室天啓
癸亥府尹呂祐吉時府儒進士崔東亭等
陳疏請額 賜額曰西岳書院扁額則元
振海筆也丙戌府尹李民安時重建詠歸
樓廟制東向弘儒侯開國公文昌公以次

並享鄭克後西岳志贊記三賢事蹟龜巖
李公損題西岳精舍詩柳綠花紅物色殷
傍隨肯學少年群千年大地俗非古一箇
迂儒心似薰素食幾鷺中澤鴈岸巾空更
出山雲仙拖洞裏新開宇探勝歸來襟袖
紛塵象數語相傳後萬古斯文白日明一
唯參予心默契非賢回也道重亨光風京
洛從容意秋月西林感慨情會友聚磨今
有地丁寧無負此堂名○退溪先生次曰
三賢並秀氣悲殷創置仍遭物議群欲使

美才欲式襲可無遊處善相黨千年白日
元無翳爲古青山一任雲珍重箇中真樂
事莫將餘外較紛紛冀教吾東曾善國三
今天步屬文明多材聖作非無本至道人
行詐自亨寥落塵編尋寶訣奮興豪傑出
常情儒宮好關仙山境老我增思實越名
○八疾鄭宗榮次曰大東文教自箕族羅
代名賢濟濟群興亡百變餘山海殆亂千
秋混矣黨旌別終歸人正表指揮重見士
如雲藏修可托西山下邾魯曾多外識紛

南中州郡如綦布公陝無能負○聖明已
喜文翁治化振還憐中子道心亨東都重
見西山學誠敬齋炙燥雪情共訪青衿嗣
旦問依然沂上詠歸名○退溪先生西岳
精舍詩東都賢祀謫何頻變置真以學舍
新但使菁莪能長育越游聖澤屬儒紳○
金鶴峯謁西岳示亢生詩西兄精舍舊開
名遠客初回萬里紅誰識龜翁開院意
莽莽蒼蒼盡風聲

五岳書院在安東縣西紫玉山東麓蓋山

下文元公晦齋李先生書院也隆慶六年
壬申府尹李齊閔率鄉中士林以定其基
仍建廟宇癸酉自西岳鄉暨祠移安位版
廟則三間其制西向號體仁其左有與祀
廳二間廟前有講堂三間號求仁東齋曰
兩進西齋曰偕立東下齋曰斂求西下齋
曰閣修前樓曰無邊外門曰亦樂講堂東
有經閣三間○宣賜書冊及院備書冊累
石餘卷歲焉講堂北有碑閣一間碑乃神
道碑也觀察使朴素立以墓在遐遠難於

守護秘堅焉萬曆甲戌回觀察使金公繼
輝啓請賜額曰玉山書院扁額則李公
山海筆也○祝文學問淵深道德高厚啓
祐後人享祀悠久○體仁廟銘生物之春
在我為仁體之以身何不長人○求仁堂
銘心德何損故兩曰遠一念知反即此是
本○兩進齋銘擇善惟朋反身惟誠孰重
孰輕聖賢同行○偕立齋銘敬直義方內
外交相惟操不忘天德之光○無邊德銘
摩文摩餘罔終罔初光歟霽歟遊于太虛

○東岳李安訥無邊樓詩萬古山傳紫玉
名海東夫子晦先生無邊樓下梧桐月想
得當年意味清○亦樂門銘聞風即回望
道而宗不亦樂哉邦之英材銘皆盧蘇齊
守慎所題也許草堂驛作書院記曰陝川
郡守權公德麟晦齋李先生之學徒也隆
慶六年季秋以書來曰為先生起書院其
記始末且名齋舍我驛受而藏之疾病遠
近未即起草萬曆癸酉冬先生之孫浚來
傳權君已下世為之驚悼少年志學之士

遽至於是噫是何司命也感念亡友之囑
謹寫拙詞以付李君之還竊惟先生之德
容幸及瞻睹於游泮之日先生之德行又
得備聞於遐溪所撰行狀景慕而仰歎者
又矣嘗見大明一統志程朱所過一憇馬
一嘯咏之地無不起書院好賢之無已有
如是者况先生之所棲遯敝業者乎府尹
李侯齊閩採鄉十三之願躬卜定其墓告
予監司請建書院出其庫餘以三其資鄉
老儒士亦盡其力壬申二月始事八月訖

功則祠宇興講堂暨東西兩齋及予前樓
揔四十餘間吁盛矣哉慶州安康縣之良
佐洞即先生之居也洞之西十五里有紫
雲山先生建別墅以為遊息藏修之所有
濯纓澄心觀魚洗心等臺皆先生所題目
而常逍遙自樂者也今之書院正當洗心
臺之上上下下龍漱澄泓可愛予雖未得躋
斯境而據權公之示已竦然興起矣予雖
未及撫衣於先生之門而聞先生之語得
見心經附註竊自尊之以為吾之師矣遂

名其東齋曰敏求取孔子所訓好古敏以求之之義也其西齋由闢修取朱子自資中間然而日修之義也樓曰納清清者氣也氣者陽也登斯樓者納清而養陽養陽以契道斯其具也萬曆庚酉 賜額三山書院依然朱子講義之地名號之美斯文之光可謂至矣嗟夫予寒且病無由一入院中瞻拜祠宇得與鄉士子講明先生之正學以致提撕警覺之事徒為東望張張而已惟願士子之居是院者感府尹瞻建

之意思先生棲息之所不但慕其道德之
高厚而且學其深潛鎮密之功不但學其
深潛鎮密之功而且殫其篤實堅確之志
則先生之鄉永為鄒魯之多士而我國
豪取材而經世者益悠遠而無窮矣豈不
子先生有光哉嗚呼可不勉哉納清扈蘇
齊民以無遺小學堂在府東二里不知何
時肇建而成化乙未府尹梁順石重修擇
有學術者為師聚童蒙訓誨今廢○司馬
所在鄉校南歧川上不知何時肇建而火

于壬辰遺礎階砌尚在○梅月堂祠宇在金鰲山南邊洞口即葺長寺舊基而金公時習遊息之地也公之事蹟具載於栗谷李先生奉教所撰傳中公之平日足跡殆遍於國內名山而獨居金鰲有若將終焉之志觀於四遊錄可知也其曰自居金鰲不愛遠遊但優遊海濱放曠郊廬探梅問竹常以吟醉自娛者是公自志之言也世傳以梅月名堂者亦取金鰲梅月之意題金鰲新話詩所謂矮屋青氈暖有餘兩

憲梅影月明初者是也葺長寺未知自何
時荒廢而階砌尚存庚戌春府使周冕稟
議于觀察使閔公著重謀諸境內人士草
創祠宇於此荷欽慕安公手為真募募僧
守護示及訖工而遙潤邑之責自有後來
之君子姑闕顛末云

驛院

仇拉驛在府東四十八里○朝驛在府東
二十五里○沙里驛在府北六里新增天
啓日子移居開地原今年遷移舊基○奴

谷驛在府南二十六里○阿火驛在府西
四十五里○金克已詩何處堪惆悵晨興
遠邁時登途雖促促去國尚遲遲嶺杪新
曦湧林間宿霧披舉盃無與語庭樹綠猗
猗○義谷驛在府西五十七里○鏡驛在
安康縣距府四十里○仍甫驛在府南五
十五里○金克已詩悠悠山下路信轡詠
涼天水有含茫蟹林無翳葉蟬溪聲清似
雨野氣淡如烟入夜投孤店村夫尚未眠
○仁成驛在杞縣西六里距府七十六

里○六驛在神光縣南府七十五里○牟
梁驛在府西二十三里○金克己詩鄉心
萬里久搖旌忽向家山振策行遙嶺漸沉
他景色亂流初放故園聲會收斷梗隨風
迹持慰浮雲戀岫情世上榮枯堪一笑何
須擾擾苦馳名○鄭以吾詩驛路驛吟老
樹秋東都遊客獨登樓玉侯池館蓬蒿遍
玉笛閑吹往事悠○趙後詩雞林山水欲
清秋萬古興亡客倚樓尚使後人迷不鑑
天東此日獨悠悠○甫伊院在府東二里

○東院在府東七里○龍頭院在府東十
三里○長嶺院在府東二十五里○惠利
院在府東南三十二里○河崙序隸林新
羅氏之古都入前朝為巨府人物之繁駁
吏具可見也及其叔世倭寇為患者數十
年可悲之甚矣予於庚午春將適蔚州道
過城南寄宿天王寺堂頭然上人接以良
話明日出門則寺以東杳無人煙行九十
餘里以至於蔚州則孤城去海不滿十里
賴有戰艦分泊浦口以備不虞耳其歲年

率兩月一更代魚鹽之貿易者亦時至其
於九十里往還之間祁寒暑雨或值日暮
無所於止息草竊之可慮虎豹之可畏不
能不呻吟耿耿以待曙光於林莽之間矣
予將還又宿天王寺語及羈旅之苦行後
之難上人曰子雖出家為養老親不能遠
離鄉井子之所言予所悉知也親已歿願
以追福之餘就於半途構一小院力不能
足耳予聞而義之明日上人送至大悲院
丁丑春予尹府而至則上人尚無恙公退

之暇相與之話舊上人乃曰予於向之半
途卜得古之人所謂德方洞者前後皆山
草木叢茂澗水中流可以爲燠旁可以爲
涼軒旁有閒地又可以種蔬果誠宜置院
以便行旅而南靜州得溫李節制從周共
助其費幾乎有成矣予聞而喜之欲於暇
日相與一往觀之而未遂也今予奉使命
又過府境上人出而見之喜滿于色曰吾
之院旣成而子方有中國之行不敢請陽
村權公已記之矣予猶不得院名請子幸

名之以光吾院予曰吾東方道途之有院
宇卽周禮廬宿之遺意而爲政者之所當
務也今上人孝其親以誠又推其餘以及
於行路之人是其惠人利物之念發乎天
性之所固有而不容已者若此其視溪山
窮谷之中坐於空寂如槁木寒灰無所事
於世者相去豈不遠乎是室有以名其院
而使夫來者有所觀感也於是名之曰惠
利仍次其前後之相語者以爲序云○毛
次村院在府東四十三里○要光院在府

東三十七里○利見院在利見臺傍○興
洞村院在府東五十七里○南院在府南
五里○太槽院在府南六里有新羅金生
太槽院三大字○天龍院在府南二十五
里○仇沙院在府南三十四里○回隱村
院或云錢邑在府南三十八里○仇良火
村院在府南五十里○大悲院在府南十
五里院一名豆豆○金藏院在府西二十五
里新增一名金尺院詳見異聞○彌勒院在
府西三十里○高院在府西四十里○永

慶院在府西六十里○果雙院在府西三十
十五里○甘助村院在府西四十里○楓
井院在府西七里○新院在府西五十六
里○天恩院在府東十四里○館院在府
北七里○花山村院在府北十五里○廣
濟院在府北十六里○所也院在安康縣
東十五里○開甫院在安康縣南二里
礪院在安康縣西二十里○仁多院在杞
溪縣西十三里○多叱院在安康縣北十
一里○竹洞院在神光縣南五里○待侯

院在竹長縣南二十里 以上出輿地勝覽

橋梁

大橋在蚊川上今廢○孝不孝橋在府東
六里世傳新羅時有七子之母所私在水
南伺其子寢往奔之其子相謂曰母涉水
夜行於子心安乎乃作石橋母慙而改行
時人名其橋曰孝不孝○掘淵川橋在府
北二十里一名廣濟院橋新增今年大雨
川水變遷失其古道移就府北十五里爲
橋○神元橋在府西十里 以上出輿地勝

覽新增南亭橋在府南五里

祠廟

社稷壇在府西新壇中移于府東東川今年又移于府城西二里許○文廟在鄉校○城隍祠在府東七里○赫居世廟在府南月南里我

世宗十一年立廟每歲春秋仲月降香祝幣以祭○昔脫解祠在東嶽頂脫解王夢於武烈王而言曰拔我骨於疏川丘塑像安於吐含山王從其言髑髏周圍三尺二

寸骨長九尺七寸齒凝如一骨節皆連鎖
遂立祠於東嶽今廢○聖母祠在西岳仙
桃山聖母本中國帝室之女名娑蘇早得
神仙之術來止海東久而不還遂爲神世
傳赫居世乃聖母之所誕也故中國人讚
有仙桃聖母娠賢肇邦之語今廢○敬順
王影堂在府東北四里每節日州首吏率
三班以祭新增天啓丙寅觀察使金時讓
以姓孫巡到本府行祭影堂會鄉之姓孫
議定有司以修祀事歲以爲常○神母祠

在鷄述嶺上神母卽朴堤上妻也堤上死
於倭國其妻不勝其慕登嶺望日本慟哭
而死遂爲其嶺神母其村人祀之後爲祈
雨之所○厲壇在府北以上出輿地勝覽
新增蠶壇在府西門外

陵墓

赫居世陵在曇嚴寺傍官禁田柴世傳王
升天七日後五體散落于地國人欲合而
葬因蛇妖各葬之遂號五陵亦云蛇陵
味鄒王陵在府南皇南里儒禮王時伊西

國今清道人來攻金城我兵禦之不能抗
忽有異兵來助皆珥竹葉并力擊賊破之
軍退後不知所歸但見竹葉積於味鄒陵
前乃知先王陰陽有功曰號竹現陵一云
竹長陵○法興王陵在哀公寺北峯○太
宗武烈王陵在永敬寺北今西高里○禮
溪曹律詩道傍墟落間青青麥已秀子起
數仞峯穹窿如伏獸斷碣卧荒草昂然見
龜首蒼蒼原陸長迤邐川原走云是武烈
陵曰山制非晒下馬髮蕭森拱立歛雙袖

摩挲讀碑文，缺落難實究。茫茫歲月荒，委
棄無人守。憶昔陰為陽，二曼非真后。強隣
肆侵軼，四境多兵鬪。惟王入繼統，卓焉功
德茂。小牙委庾信，武略殆天授。并濟開霸
圖，刻帛百年冠。皇唐嘉乃勲，厥篚堆錦繡。
疇庸錫鴻命，關土縣廣表。俊乂共登庸，倉
廩日殷富。井水忽為血，大運嗟莫救。紉履
就寔窆，英爽歸昂宿。舊史粗可徵，紀載恨
踈漏。人事如浮雲，誰能了字宙。佳城萬古
閑，日暮嘯魑魅。○真興王陵在府西，西岳

里○善德王陵在狼山南巔○孝昭王陵
在府東芬南里○聖德王陵在府東都只
谷里○憲德王陵在府東泉林里○興德
王陵在安康縣北新增俗號撞陵○金庾
信墓在府西西岳里○金仁問墓在府西
西原○金陽墓陪葬太宗王陵以上出輿
地勝覽 新增掛陵在府東三十五里不知
何王陵俗傳葬於水中掛柩於石上目築
土為陵故名焉石物尚在○南解王陵○
儒理王陵○婆娑王陵俱在蛇陵園內○

脫解王陵在城北壤井丘○奈勿王陵在
瞻星臺西南○真智王陵在永敬寺北○
真平王陵在漢只○真德王陵在沙梁部
○神文王陵在聖德寺東○景德王陵在
毛祗寺西岑○僖康王陵在蘇山○神武
王陵在兄弟山北○今東方洞文聖王陵○
憲安王陵俱在孔雀趾○憲康王陵○定
康王陵俱在菩提寺東南○真聖王陵在
黃山○今梁山郡黃山驛○孝恭王陵在獅子
寺北○神德王陵在竹城○景明王陵在

黃福寺北麓○景東王陵在南山
解目嶺
以上用三國史記中水經火經

祈雨所

始祖廟○金角干墓○栢栗寺○北兄山
○溫之淵○龜尾山○望山○鷄述嶺



